

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINSKI SUD U ZENICI  
BROJ: 43 0 K 264801 25 K  
Zenica, 18.02.2026. godine

Presuda je pravosnažna  
dana 24.03.2026. godine

Sudija  
Agić Sabrija, s.r.

#### U IME FEDERACIJE BOSNE I HERCEGOVINE !

Općinski sud u Zenici, sudija Agić Sabrija kao sudija pojedinac, uz učešće zapisničara Crnkić Kanite, u krivičnom predmetu protiv optuženog Č.J., zbog produženog krivičnog djela teške krađe iz čl. 287 st. 1 tačka a) u vezi sa čl. 55 KZ F BiH, u sticaju sa krivičnim djelom Nedozvoljeno držanje oružja ili eksplozivnih materija iz čl. 371 st. 1 KZ F BiH, i krivičnim djelom iz čl. 52. 1. tačka b) Zakona o nabavljanju, držanju i nošenju oružja i municije ZDK, a sve u vezi sa čl. 54 Krivičnog zakona Federacije Bosne i Hercegovine, po optužnici Kantonalnog tužilaštva Travnik, broj: T06 0 KT 0036167 24 od 29.08.2025. godine, nakon održanog usmenog, glavnog i javnog pretresa, u prisutnosti tužioca Edine Mešić, optuženog Č.J. i branioca Tomaš Slavena, advokata iz Zenice, dana 18.02.2026. godine donio je i javno objavio:

#### PRESUDU

Optuženi Č.J. zv. J. sin M. i majke M. djevojačko E. rođen ...godine u Z., nastanjen u ul. ..., Grad Z. sada se nalazi na izdržavanju kazne zatvora u KPZ Zenica, JMB: ....., državljanin BiH, završio SSS, po zanimanju automehaničar, nezaposlen, razveden, otac dvoje djece, bez imovine, lošeg imovnog stanja, osuđivan, vodi se drugi krivični postupak,

#### K R I V J E

Što je:

1.) dana 01.10.2024.godine u vremenskom periodu od 15,00 sati do 15.10.2024.godine do 15,10 sati, na području grada Z., s ciljem pribavljanja protupravne imovinske koristi, došao do vikend kuće vlasništvo K.M.koja se nalazi u ul. ..., te uz pomoć fizičke snage i podesnog predmeta nasilno otvorio katanac sa metalnih vrata ostave, ušao u unutrašnjost i izvršio premetačinu, svjestan da se radi o tuđoj pokretnini i da njenim prisvajanjem uz upotrebu podesnog sredstva pribavlja protupravnu imovinsku korist, što je i htio, odakle je oduzeo i prisvojio jednu crnu veću platnenu torbu sa točkicama, jednu crno-sivu torbu za transport kućnih ljubimaca, poništeni pasoš R. BiH broj ... na ime K.M., jednu vojnu knjižicu broj...na ime K.M., jednu člansku knjižicu Saveza komunista Jugoslavije broj ...i jednu kožnu futrolu za pištolj nakon čega je iz iste izašao i udaljio se u nepoznatom pravcu, na koji način je ošteti K.M. za neutvrđen iznos novca,

2.) dana 14.10.2024.godine u vremenskom periodu od 20,00 sati do 15.10.2024.godine do 05,00 sati, na području grada Z., s ciljem pribavljanja protupravne imovinske koristi, došao do kuće u vlasništvu D.M .koja se nalazi u ul. ..., te uz pomoć fizičke snage i podesnog predmeta nasilno otvorio vrata na spratu kuće, ušao u unutrašnjost kuće izvršio premetačinu, svjestan da se radi o tuđoj pokretnini i da njenim prisvajanjem uz upotrebu podesnog sredstva pribavlja protupravnu imovinsku korist, što je i htio, te iz iste oduzeo i prisvojio dvije motorne pile marke „ Stihl“ oznaka ..., kožni prsluk plave boje marke Chycton, pojas za motor crne boje marke B-SQUARE, jaknu sa natpisom„ Freedom OF CC“ crne boje, kabanicu zelene boje marke B-SQUARE, kabanicu plave boje NN marke, torbu crne boje marke „ Docker“, torbu crne boje marke „ Rucanon Sporting Goods“, rukavice crne boje NN marke„, podjaknu crne boje, nakon čega je iz iste izašao i udaljio se u nepoznatom pravcu, na koji način je ošteti D.M. za iznos od oko 2.500,00 KM,

3.) dana 16.10.2024.godine pa području grada Z., neovlašteno držao jedan metak kal. 14,5x114 mm i jedan metak kal. 20x110mm, iako je znao da nabavka i držanje municije za takva oružja građanima uopće nije dozvoljena, što je i htio,

4.) dana 16.10.2024.godine na području grada Zenica bez odobrenja držao šest metaka kalibra 9x19 mm i jedan metak kalibra 7,62 x 25 mm, iako je bio svjestan da je za držanje municije za vatreno oružje potrebno posebno odobrenje, što je i htio,

čime je počinio: pod tačkom 1. i 2. produženo krivično djelo teške krađe iz čl. 287 st. 1 točka a) u vezi sa čl. 55 KZ F BiH, a pod tačkom 3. krivično djelo Nedoizvoljeno držanje oružja ili eksplozivnih materija iz čl. 371 st. 1 KZ F BiH i pod tačkom 4. krivično djelo iz čl. 52. stav 1. tačka b) Zakona o nabavljanju, držanju i nošenju oružja i municije ZDK, a sve u vezi sa čl. 54 KZ F BiH, pa se na osnovu istih članova i propisa za produženo krivično djelo teške krađe iz čl. 287 st. 1 točka a) u vezi sa čl. 55 KZ F BiH utvrđuje kazna zatvora u trajanju od 1 (jedne) godine i 3 (tri) mjeseca, a za krivično djelo Nedoizvoljeno držanje oružja ili eksplozivnih materija iz čl. 371 st. 1 KZ F BiH utvrđuje se kazna zatvora u trajanju od 2 (dva) mjeseca i za krivično djelo iz čl. 52. stav 1. tačka b) Zakona o nabavljanju, držanju i nošenju oružja i municije ZDK utvrđuje se kazna zatvora u trajanju od 2 (dva) mjeseca, te se

## O S U D U J E

na jedinstvenu kaznu zatvora u trajanju od 1 (jedne) godine i 6 (šest) mjeseci, u koju kaznu se uračunava vrijeme provedeno u pritvoru od 16.10.2024. godine od 15:00 sati do 16.11.2024. godine do 15:00 sati.

U skladu sa članom 202.stav 4. ZKP-a F BiH optuženi Č.J. se oslobađa obaveze da Sudu naknadi troškove krivičnog postupka.

U skladu sa članom 78. stav 1. KZ F BiH optuženom Č.J. u izriče se mjera sigurnosti oduzimanja predmeta i to: jedan metak kalibra 14,5x114 mm, jedan metak kalibra 20x110mm, šest metaka kalibra 9x19 mm i jedan metak kalibra 7,62 x 25 mm i nalaže se KDP-u Suda da iste stavi na dalje raspolaganje Upravi policije MUP-a ZDK nakon što primi nalog za izvršenje mjere sigurnosti.

U skladu sa članom 212. stav 3. ZKP-a F BiH oštećeni K.M. i D.M. se upućuju da imovinsko-pravne zahtjeve ostvaruju u parničnom postupku.

## Obrazloženje

Kantonalno tužilaštvo Travnik je dana 03.09.2025. godine kod ovog Suda podiglo optužnicu, broj: T06 0 KT 0036167 24 od 29.08.2025. godine, protiv optuženog Č.J., zbog produženog krivičnog djela teške krađe iz čl. 287 st. 1 tačka a) u vezi sa čl. 55 KZ F BiH, u sticaju sa krivičnim djelom Nedoizvoljeno držanje oružja ili eksplozivnih materija iz čl. 371 st. 1 KZ F BiH, i krivičnim djelom iz čl. 52. 1. tačka b) Zakona o nabavljanju, držanju i nošenju oružja i municije ZDK, a sve u vezi sa čl. 54 Krivičnog zakona Federacije Bosne i Hercegovine, a koja je potvrđena dana 08.09.2025. godine.

Optuženi Č.J. na glavnom pretresu, na Zapisnik ovog Suda od 21.10.2025.godine, priznao je krivnju za krivična djela koja mu se stavljaju na teret Optužnicom, nakon što je upoznat sa posljedicama priznanja krivnje tj. da se odriče prava na suđenje ,da može biti obavezan da naknadi troškove postupka Sudu i štete Oštećenim, da mu je poznato da može tražiti od Suda da ga Sud oslobodi obaveze za naknadu troškova postupka ako nije u mogućnosti da to učini.

Tužilac je pročitao i izvršen je uvid u dokaze na kojim se zasniva Optužba za predmetno krivično djelo i to: Rješenje Federalnog tužilaštva F BiH broj T11 0 KTA 0009341 24 od 23.10.2024.godine,Zapisnik o uviđaju MUP Zenica Policijska uprava I OKP broj 08-02-08/4-02-549/24 od 15.10.2024.godine,Potvrda o vraćanju privremeno oduzetih predmeta MUP Zenica Policijska uprava I OKP broj 08-02-08/4-256/24 od 17.10.2024.godine,Fotodokumentacija MUP Zenica broj 08-02-08/4-611/24 od 15.10.2024.godine,Zapisnik o uviđaju MUP Zenica Policijska uprava I OKP broj 08-02-08/4-554/24 od 17.10.2024.godine,Fotodokumentacija MUP Zenica broj 08-02-08/4-604/24 od 16.10.2024.godine,Potvrda o privremenom oduzimanju predmeta MUP Zenica Policijska uprava I broj 08-02-08/2-238/24 od 16.10.2024.godine,Zapisnik o izvršenoj radnji privremenog oduzimanja predmeta i popisu privremeno oduzetih predmeta MUP Zenica PS Crkvice broj 08-02-08/2-238/24 od 16.10.2024.godine,Potvrda o privremenom oduzimanju predmeta MUP Zenica Policijska uprava I broj 08-02-08/2-238/24 od 16.10.2024.godine na 2 str.,Zapisnik o vraćanju privremeno oduzetih predmeta MUP Zenica Policijska uprava I OKP broj 08-02-08/4-286/24

od 06.11.2024.godine, Naredba Općinskog suda u Zenici broj 43 0 K 252216 24 Kpp2 od 01.11.2024.godine, Naredba Kantonalnog tužiteljstva u Travniku broj T06 0 KT 0036167 24 od 29.01.2025.godine za biološko, dnk i daktiloskopsko vještačenje; Nalaz biološkog DNK vještačenja Centar za forenziku Sarajevo broj 11-18-18/4-03-5-360 od 28.07.2025.godine sa prilogom u velikoj bijeloj koverti u kojoj se nalaze predmeti vještačenja, Nalaz balističkog vještačenja Odsjek za balistička i mehanoskopska vještačenja Sarajevo broj 11-18-18/5-03-5-360/25 od 15.04.2025.godine sa prilogom bijela koverta broj 11-18-18/5-03-5-360/25 u kojoj se nalazi šest (6) pištoljskih metaka kal. 9x19 mm, jedan (1) pištoljski metak kal. 7,62x25 mm, jedan (1) vojni mitraljeski metak kal. 14,5x114 mm, jedan (1) vojni protivavionski metak kal. 20x110 mm, Zapisnik o lišenju slobode Č.J. MUP Zenica broj 08-02-08/2-242/24 od 16.10.2024.godine, Zapisnik o predaji osobe lišene slobode MUP Zenica broj 08-02-08/2-242/24 od 17.10.2024.godine, Izvod iz kaznene evidencije za optuženog J.Č. PU I Zenica od 17.10.2024.godine, Zapisnik o saslušanju svjedoka K.M. MUP Zenica broj 08-02-08/4-05-371/24 od 17.10.2024.godine, Zapisnik o saslušanju svjedoka D.M. MUP Zenica broj 08-02-08/4-05-370/24 od 17.10.2024.godine, Zapisnik o saslušanju svjedoka D.M. MUP Zenica broj 08-02-08/4-05-371/24 od 17.10.2024.godine. Optuženi i Branilac nisu prigovorili sadržaju i zakonitosti dokaza.

Priznanje krivnje optuženog Č.J. u cjelosti je potkrijepljeno sadržajem navedenih dokaza, te je Sud na osnovu priznanja krivnje optuženog Č.J. i sadržaja dokaza na kojima se zasniva optužba za predmetna krivična djela na pouzdan način utvrdio da je optuženi Č.J. počinio radnje i prouzrokovao Zakonom zabranjene posljedice, na način kako je to bliže opisano u dispozitivu Presude, i da je na taj način ostvario obilježja produženog krivičnog djela teške krađe iz čl. 287 st. 1 tačka a) u vezi sa čl. 55 KZ F BiH, u sticaju sa krivičnim djelom Nedoizvoljeno držanje oružja ili eksplozivnih materija iz čl. 371 st. 1 KZ F BiH, i krivičnim djelom iz čl. 52. 1. tačka b) Zakona o nabavljanju, držanju i nošenju oružja i municije ZDK, a sve u vezi sa čl. 54 Krivičnog zakona Federacije Bosne i Hercegovine.

Dokazi u spisu ukazuju da je kod optuženog Č.J. u kritično vrijeme postojala krivnja za krivična djela koja mu se Optužnicom stavljaju na teret. Naime, optuženi Č.J. bio je svjestan i znao da čineći radnje, na način kako je to bliže opisano u dispozitivu Presude, postupka protupravno a što je i htio. Dakle, bio je svjestan svojih djela i htio njihovo izvršenje i postupao je sa direktnim umišljajem, pa ga je stoga Sud i oglasio krivim.

Iz Izvoda iz kaznene evidencije vidljivo je da je optuženi Č.J. do sada osuđivan trinaest puta za razna krivična djela.

Prilikom odlučivanja o vrsti i visini krivične sankcije Sud je imao u vidu da je za krivično djelo 287. stav 1. tačka a) KZ F BiH propisana kazna zatvora od 6 mjeseci do 5 godina, da je za krivično djelo Nedoizvoljeno držanje oružja ili eksplozivnih materija iz čl. 371 st. 1 KZ F BiH propisana kazna zatvora do tri godine i da je za krivično djelo iz čl. 52. 1. tačka b) Zakona o nabavljanju, držanju i nošenju oružja i municije ZDK propisana kazna zatvora do tri godine, težinu krivičnih djela, stepen i oblik krivnje optuženog Č.J., s tim da je na strani Optuženog Sud cijenio kao olakšavajuće okolnosti da je priznao izvršenje krivičnih djela, da se kaje, da je dao obećanje da se to više neće ponoviti i da je Oštećenim vraćen jedan dio otuđenih predmeta, a od otežavajućih okolnosti Sud je cijenio njegovu raniju osuđivanost, te imajući u vidu navedeno Sud očekuje da će se sa izrečenom osudom ostvariti opća i individualna svrha izricanja krivičnih sankcija.

U izrečenu kaznu zatvora Sud je u skladu sa članom 57.KZFBiH uračunao vrijeme koje je optuženi Č.J. proveo u pritvoru od 16.10.2024. godine od 15:00 sati do 16.11.2024. godine do 15:00 sati, a što je vidljivo iz Rješenja ovog Suda, broj: 43 0 K 252216 24 Kpp od 18.10.2024. godine.

Odluka o troškovima postupka, koji se odnose na paušal u iznosu od 100,00 KM i troškove odbrane po braniocu po službenoj dužnosti, a o kojim će Sud odlučiti posebnim rješenjem, temelji se na odredbama člana 202. stav 4. ZKP-a F BiH, a Sud je optuženog Č.J. oslobodio obaveze da Sudu naknadi troškove krivičnog postupka iz razloga što se radi o licu koje nema redovna primanja i isti je bez imovine.

Odluka o izrečenoj mjeri sigurnosti oduzimanja predmeta od Č.J. temelji se na odredbama člana 78. stav 1. KZ F BiH, kojim odredbama je propisano oduzimanje predmeta koji su upotrijebljeni za izvršenje krivičnih djela ili su nastali izvršenjem krivičnih djela, a u konkretnom slučaju radi o predmetima koji su upotrijebljeni za izvršenje predmetnih krivičnih djela i to: Nedoizvoljeno držanje oružja ili eksplozivnih materija iz čl. 371 st. 1 KZ F BiH, i krivičnog djela iz čl. 52. 1. tačka b) Zakona o nabavljanju, držanju i nošenju oružja i municije ZDK od strane optuženog Č.J..

Odluka o imovinsko pravnim zahtjevima oštećenih K.M.i D.M., temelji se na odredbi člana 212. stav 3.ZKP-a F BiH, a Sud je Oštećene uputio da imovinskopravne zahtjeve ostvaruju u parničnom postupku iz razlog što je jedan dio otuđenih predmeta istim vraćen , a što je vidljivo iz navedenih potvrda o vraćanju predmeta Oštećenim,a na osnovu podataka i dokaza u spisu Sud nije u mogućnosti da utvrdi koja im je pričinjena stvarna šteta izvršenjem predmetnih krađa na njihovu štetu.

Shodno iznešenom valjalo je Sudu odlučiti kao u dispozitivu Presude.

Zapisničar  
Crnković Kanita ,s.r.

Sudija  
Sabrija Agić,s.r.

**PRAVNA POUKA:**

Protiv ove Presude može se izjaviti žalba  
Kantonálnom sudu u Zenici u roku od 15 dana  
od dana prijema pismenog otpravka Presude.  
Stranke i Branilac mogu izjaviti žalbu iz svih zakonskih  
razloga, a Oštećeni zbog odluke o troškovima postupka i  
Odluke o imovinskopravnom zahtjevu.  
Žalba se podnosi putem ovog Suda u tri primjerka.

-----  
<sup>1</sup> Krivični zakon FBiH ("Sl. novine F BiH" broj: 36/03, 37/03, 21/04, 69/04, 18/05, 42/10, 42/11, 59/14, 76/14, 46/16, 75/17 i 31/23)

<sup>1</sup> Zakon o krivičnom postupku F BiH ("Sl. novine F BiH" broj: 35/03, 37/03, 56/03, 78/04, 28/05, 55/06, 27/07, 53/07, 9/09, 12/10, 8/13, 59/14 i 74/20)